



Bovdehus fáddáraportta almmuhanseminárij:

- Veahkaválddálašvuohta ja illásteapmi sámi servodagain

Bearjadaga geassemánu 22. b. 2018, dii. 11:00-14:00, UiT Norgga árkálaš universitehta, Aud 2, Teorifágavisti Viessu 1, Tromsa

Norgga našuvnnalaš olmmošvuoigatvuođaásahus (NIM) lea ráhkadan raportta veahkaválddálašvuođa ja illásteami birra sámi servodagain, gos buktit mánga ávžžuhusa das movt stáhta buorebut sáhtta gozihit sámi veahkaválddálašvuođa gillájeaddji olmmošvuoigatvuođaid. Mii ovdanbuktit raportta váldogávdnosiid lunšasemináras Tromssas geassemánu 22. beaivvi 2018.

Stáhtas lea olmmošvuoigatvuođalaš geatnegasvuohta eastadit, hehttet ja dutkat veahkaválddálašvuođa ja illásteami. Stáhtas lea dát geatnegasvuohta buot veahkaválddálašvuođa gillájeaddjiid hárrái. Raporta čájeha ahte dát geatnegasvuohta ii fuolahuvvo doarvái bures *sámi* veahkaválddálašvuođa gillájeaddjiid dáfus, ja ahte lea dárbu doaibmaplánii mii eastadivččii veahkaválddálašvuođa ja illásteami sámi servodagain.

Iskkadeapmi 2015:s čájeha ahte gitta 49 % sámi nissonolbmui Norggas leat gillán veahkaválddálašvuođa dahje illásteami. Raporta 2017:s geažuha ahte politiijain ja veahkkeapparáhtas ii leat doarvái gelbbolašvuohta sámi giela ja kultuvrra birra. Dát sáhtta hehttet sámi veahkaválddálašvuođa gillájeaddjiid oažžumis dan veahkki maid dárbbášit. Divttasvuona-áššit leat ovdamearkan dasa movt dákkár hástalusat dagahedje ahte stuoraservodat behtii veahkaválddálašvuođa gillájeaddjiid.

Prográmma

Eaŋkilis beaiveborran

- Direktevra Petter Wille, NIM ja direktvra Niklas Labba, SESAM/UiT sávva bures boahdin
- Seniorráđdeaddi Stine Langlete, NIM, ovdanbidjá fáddáraportta
- Golbma sáhkavuoru fáttá birra:
 - Sámediggepresideantta Aili Keskitalo bokte
 - Vuosttašamanueansa Astrid Eriksen, UiT/OsloMet bokte
 - Journalista Kenneth Hætta bokte
- Panelaságastallan:
 - Sámediggepresideantta Aili Keskitalo,
 - Dásseárvo- ja vealahanáittardeaddji Hanne Bjurstrøm,
 - SÁNAGA jođiheaddji Gunn Heatta,
 - Noereh-organisašuvnna jođiheaddji *Dávvet Bruun*-Solbakk
 - Árran Julevsáme guovdásj/Lulesamisk senter direktvra Lars Magne Andreassen,
 - Seniorráđdeaddi Stine Langlete, NIM
- Dáiddalaš ovdanbuktin

Seminára lea rabas buohkaide, ii ge dárbbáš dieđihit. Seminára dulkojuvvo davvisámegiela ja dárogiela gaskka. Bures boahdin!